



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.287/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Arsim Hamzaj - kryesues, Kymete Kicaj dhe Skender Çoçaj - anëtarë, duke vendosur përkritazi me ankesën e kandidatit Ardian Elshani, nga radhët e Subjektit Politik Partia Demokratike e Kosovës (PDK) të paraqitur kundër Komisionit Qendror të Zgjedhjeve (KQZ), për shkak të parregullsive gjatë numërimit të votave në vendvotim për Zgjedhjet Lokale, të mbajtura më datë 12 Tetor 2025, në seancën e panelit të mbajtur me 22.10.2025, merr këtë:

V E N D I M

HEDHET e palejuar (pasafatshme) ankesa ZL.Anr.287/2025, datë 21.10.2025, e parashtruar nga kandidati për anëtar të kuvendit komunal në Komunën e Fushë Kosovës, Ardian Elshani, nga radhët e Subjektit Politik Partia Demokratike e Kosovës (PDK), gjatë numërimit të votave në vendvotim për Zgjedhjet Lokale, të mbajtura më datë 12 Tetor 2025.

A r s y e t i m

Me datën 21.10.2025, PZAP-i ka pranuar ankesën e kandidatit për anëtar të kuvendit komunal në Komunën e Fushë Kosovës, Ardian Elshani, nga radhët e Subjektit Politik Partia Demokratike e Kosovës (PDK), me të cilën pretendon se në shkollën SH.E.M.U “Daut Bugujevi” në Bresje, Fushë Kosovë ka pasur parregullsi dhe më janë shkelur votat në vendvotimin 0909, në këtë qendër venvotimi janë pesë (5) kuti votimi; 0909/01; 0909/02; 0909/03 ;0909/4; 0909/05. Me tutje deklaroi në ankesë që organet kompetente PZAP-i të rishikoj dhe rinumëroj këto 5 kuti apo këtë qendër votimi, sepse mendoj që votat më mungojnë edhe të familjarëve.

Në përgjigjen në ankesë të Komisionin Qendror të Zgjedhjeve – KQZ, sqaron se bazuar në nenin 101 të Ligjit Nr. 08/L-228 për Zgjedhjet e Përgjithshme në Republikën e Kosovës (LZP), Rregulloren Zgjedhore Nr. 16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhjet Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN.

Rezultatet preliminare nga vendvotimet mund korrigjohen në Qendrën Komunale të Numërimit, në përputhje me paragrafin 3 të nenit 14 të Rregullores Zgjedhore Nr. 16/2024 për Qendrat Komunale të Numërimit (QKN).

Andaj, bazuar në Rregullën Zgjedhore Nr.13/2024 Rezultatet Zgjedhore në nenin 9 paragrafi 1 thekson se: Në rast të mospërputhjes së rezultateve, KQZ-ja mund të urdhërojë rinumërimin e votave të cilit do VV, ose edhe përsëritjen e votimi në VV apo QV.

Me tutje KQZ deklaroi se rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e rregullta; fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZAP dhe Gjykata Supreme dhe pas përfundimit të të gjitha procedurave në QNR, ku rezultati i publikuar është i ankimeshëm nga subjekte politike dhe kandidatët të cilët kanë pretendime në raport me numërimin e votave të tyre.

Në kuptim të nenit 117 paragrafi 3 të LZP, gjatë shqyrtimit të ankesës është vërejtur se pala ankuese, nuk ka bashkangjitur prova të mjaftueshme që do të mund të dëshmonin apo mbështesnin pretendimet e saj të paraqitura në ankesë.

Andaj, pas analizimit të lëndës është vërejtur se pala ankuese ankesën e ka paraqitur jashtë afatit ligjor për paraqitjen e ankesës, sepse pas konfirmimit të ZEKKZ në komunën e Fushë Kosovës, aktiviteti i QKN-së është përmbyllur me datën 16.10.2025, në ora 20:00, ndërsa pala ankesën e ka parashtruar me datën 21.10.2025. Nuk është brenda afatit ashtu siç parashihet me nenin 105, paragrafi 1 të Ligjit për Zgjedhjet e Përgjithshme në Republikën e Kosovës.

Paneli Zgjedhor për Ankesa dhe Parashtresa - PZAP, pas shqyrtimit të ankesës dhe shkresave të lëndës konstaton se:

- Ankesa është e palejuar (pasafatshme).

Paneli, pas shqyrtimit të pretendimeve ankimore ka gjetur se ankesa e parashtruar nga Ardian Elshani, kandidatit për anëtar të kuvendit komunal në Komunën e Fushë Kosovës, Ardian Elshani, nga radhët e Subjektit Politik Partia Demokratike e Kosovës (PDK), me të cilën pretendon se në shkollën SH.E.M.U “Daut Bugujevi” në Bresje, Fushë Kosovë ka pasur parregullsi dhe më janë shkelur votat në vendvotimin 0909, në këtë qendër venvotimi janë pesë (5) kuti votimi; 0909/01; 0909/02; 0909/03; 0909/04; 0909/05, është e parashtruar pas afatit të përcaktuar ligjor.

Me dispozitën e nenit 105 paragrafi 1, në mënyrë decitive parashihet se “Ankesat lidhur me administrimin e numërimit në QKN dhe QNR, dorëzohen me shkrim pranë PZAP-së brenda dyzet e tetë (48) orëve nga ndodhja e shkeljes së supozuar,” të Ligjit Nr. 08/L-228 për Zgjedhjet e Përgjithshme në Republikën e Kosovës.

Me dispozitën e nenit 9 paragrafi 5 të Rregullores Nr. 01/2025 për Procedurat e Parashtrimit dhe Vendosjes së Ankesave të PZAP-it, parashihet që “ *Personi mund të paraqes ankesë në PZAP, brenda dyzet e tetë (48) orëve për shkeljet e pretenduara*”, ndërsa nën paragrafi 5.16. parashihet që “*Për shkeljet e pretenduara gjatë procesit të administrimit dhe numërimit në QKN dhe QNR*”.

Në rastin konkret Paneli vlerëson se parashtruesi i ankesës ka dorëzuar ankesën në PZAP me datë 21.10.2025, ku ka pretenduar se në shkollën SH.E.M.U “Daut Bugujevi” në Bresje, Fushë Kosovë ka pasur parregullsi dhe më janë shkelur votat në vendvotimin 0909, në këtë qendër venvotimi janë pesë (5) kuti votimi; 0909/01; 0909/02; 0909/03; 0909/04; 0909/05, ndërsa nga të dhënat zyrtare, e po ashtu edhe nga përgjigja e KQZ është vërtetuar se aktiviteti i QKN-së në Komunën e Fushë Kosovës, është përbyllur me datën 16.10.2025, me çka vërtetohet se ankesa e ankuesit nuk është paraqitur brenda afatit ligjor siç parashihet me nenin 105, paragrafi 1 të Ligjit për Zgjedhjet e Përgjithshme në Republikën e Kosovës, andaj dhe e njëjta u deshtë që të hedhet si e palejuar (pasafatshme).

Paneli pas analizimit të shkresave të lëndë ka gjetur se ankesa është parashtruar pas afatit ligjor për paraqitjen e ankesës, sipas nenit 105, paragrafi 1 LZP-së, dhe nenit 9, paragrafi 5 nën paragrafi 5.16, i Rregullores Nr.01/2025 për Procedurat e Parashtrimit dhe Vendosjes së Ankesave të PZAP-it, afati për dorëzimin e ankesës është brenda dyzet e tetë (48) orëve nga ndodhja e shkeljes së supozuar, ndërsa ankesa është dorëzuar në PZAP më datë 21.10.2025, ndërsa parregullsia për të cilin pretendon pala ankuese është bërë gjatë numërimit të QKN, i cili ka përfunduar më datë 16.10.2025, që do të thotë se ankesa është dorëzuar pas afatit të paraparë ligjor.

Andaj, nga arsyet e theksuara më lartë e në kuptim të nenit 105 paragraf 1 i LZP-së, dhe nenit 9 paragrafi 5 nën paragrafi 5.16 dhe neni 13, paragrafi 3, nën paragrafi 3.2 të Rregullës 01/2025, për Procedurat e Parashtrimit dhe Vendosjes së Ankesave, paneli vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA

ZL.Anr.287/2025, datë 22.10.2025



KËSHILLA JURIDIKE: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.